



**ԱՄԵՆԱՅՆ ՀԱՅՈՑ ՀԱՅՐԱՊԵՏԻ ՑԱՎԱԿՑՈՒԹՅՈՒՆԸ
ԱԿԱԴԵՄԻԿՈՍ ՀՐԱԶՅԱ ԱՃԱՌՅԱՆԻ ՄԱՀՎԱՆ ԱՌԹԻՎ**

**ԳԻՏՈՒԹՅԱՆՑ ԺԵՄԱՐԱՆԻ ԵՎ ԵՐԵՎԱՆԻ ՀԱՅ ՀԱՄԱԼՍԱՐԱՆԻ
ՊԱՏՎԱՐԺԱՆ ՎԱՐՉՈՒԹՅԱՆՑ**

Հայագիտական երկնակամարի լուսատու աստղերից մեկն էլ մարեց. ի Տեր հաճոյով՝ մեր և արտաքին աշխարհի մեծանուն հայագետներից հրոշակված՝ ականավոր լեզվագետ Հրաչյա Աճառյանը: Նա չէ մահացել, այլ՝ իր գիտությամբ և Արմատական բառարանի նման իր բազմաթիվ արժեքավոր երկերով՝ անմահացել է: Նորա հուշակը ևս առավել կրարճրանա, երբ նորա երկասիրությունները բարգմանվեն օտար լեզուներով և լույս տեսնեն նորա բազմաթիվ արժեքավոր ձեռագիր աշխատությունները և գիտական աշխարհին մատչելի դառնան:

Գիտության մշակը եղել է նաև Ազգի մշակ: Երբ մեր գրասեր ու ջանասեր նախնիք մշակել ու զարգացրել են հայ կուլտուրան, որով յուրայնոց սերն են շահել և որով հայր օտարների հարգանքն է վայելում, ապա նոցա ներկա ժառանգներն են Գիտությանց նեմարանը և Հայ համալսարանը՝ Աճառյանի նման հայագետներով: Երբ անցյալում հայ մեղվաշան մատենագիրները զարթեցրել ու զարգացրել են հայ ժողովրդի ինքնագիտակցությունը, որի շնորհիվ և պահպանել հայ ժողովրդի ազգային ինքնությունը և անկախ գոյությունը, ապա այսօր նոցա ժառանգներն են Գիտությանց նեմարանը և Հայ համալսարանը՝ Աճառյանի նման իրենց գիտնականներով, որով գիտության մշակները դարձել են նաև Ազգի մշակներ: Փա՛ռք և պատի՛վ նոցա:

Հայ գիտության և Հայ Ազգի մեծ մշակ և Մեր անձնական սիրելի բարեկամ Հրաչյան կատարել է իր պարտքը հանդեպ հայագիտության և Հայ Ազգի, որով և անմահացել է. ես ո՛չ միայն ապրում և ապրելու է իր գիտությամբ և բողած երկերով, այլ հավետ պիտի ապրի Ազգի կենդանի հոգու մեջ և լսեմ նորա «ողորմիս»:

Հայտնում ենք Մեր խոր վիշտը Հայ գիտությանց նեմարանի և Հայ համալսարանի պատվարժան վարչությանց՝ նոցա դժվար փոխարինելի կորստյան առթիվ՝ ի դեմս հանգուցյալ Հրաչյա Աճառյանի, և Մեր մխիթարանքը՝ նորա վշտահար քնտանիքին:

9. 11. 53

**ԾԱՅՐԱԳՈՅՆ ՊԱՏՐԻԱՐԺ ԵՒ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ**